

ফরমপূরণ সংক্রান্ত যে কোন প্রয়োজনে যোগাযোগ করুন : ০১৯৩১-১০০৮০৩



মাধ্যমিক ও উচ্চ মাধ্যমিক শিক্ষা বোর্ড, দিনাজপুর

Web : www.dinajpureducationboard.gov.bd

E-mail : dinajpureducationboard@gmail.com

উচ্চ মাধ্যমিক সার্টিফিকেট পরীক্ষা-২০১৭ এর ফরম পূরণ বিজ্ঞপ্তি

স্মারক নং : মাউশিবোদি/পনি/পরী/এইচএসসি/২০১৬/১৮৩৭(১০০০)

তারিখ : ০৮/১২/২০১৬ খ্রিঃ

মাধ্যমিক ও উচ্চ মাধ্যমিক শিক্ষা বোর্ড, দিনাজপুর-এর আওতাধীন সকল কলেজের অধ্যক্ষ এবং সংশ্লিষ্ট সকলকে ২০১৭ সালের এইচএসসি পরীক্ষার আবেদন ফরম Online-এ পূরণের বিভিন্ন কার্যক্রম নিম্নোক্ত নীতিমালা মোতাবেক যথাসময় সম্পন্ন করতে অনুরোধ করা হলো।

- ০১। ক) কেবল বৈধ রেজিস্ট্রেশনধারী এবং নির্বাচনী পরীক্ষায় সকল বিষয়ে উত্তীর্ণ পরীক্ষার্থীগণ আবেদন ফরম পূরণ করতে পারবে। তবে আংশিক বিষয়ের (এক/দুই) পরীক্ষার্থীদের জন্য সংশ্লিষ্ট বিষয়/বিষয়সমূহের নির্বাচনী পরীক্ষায় অংশগ্রহণ করা বাধ্যতামূলক নয়। কোন পরীক্ষার্থী তার রেজিস্ট্রেশন বহির্ভূত কোন বিষয়/বিষয়সমূহের পরীক্ষায় অংশগ্রহণ করলে উক্ত বিষয়/বিষয়সমূহের পরীক্ষা কোনরূপ যোগাযোগ ছাড়াই বাতিল করা হবে।
 - খ) কোন পরীক্ষার্থী তার নিয়ন্ত্রণ বহির্ভূত কোন কারণ কিংবা শারীরিক অসুস্থতার জন্য নির্বাচনী পরীক্ষায় অংশগ্রহণ করতে না পারলে কিংবা নির্বাচনী পরীক্ষায় অনুত্তীর্ণ হলে সংশ্লিষ্ট পরীক্ষার্থীর অভিভাবকের লিখিত আবেদন ও পরীক্ষার্থীর প্রাক নির্বাচনী পরীক্ষার সন্তোষজনক ফলাফলের ভিত্তিতে পরীক্ষার ফরম পূরণ করতে পারবে।
 - গ) শিক্ষা প্রতিষ্ঠানসমূহ পরীক্ষার্থীদের এইচএসসি পরীক্ষায় অধিকতর সফলতার জন্য প্রতিষ্ঠানের নিজস্ব ব্যবস্থাপনায় প্রয়োজনীয় সংখ্যক বিষয় ভিত্তিক মডেল টেস্ট গ্রহণ করতে পারে কিন্তু এ মডেল টেস্ট কোন পরীক্ষার্থীর জন্য বাধ্যতামূলক নয় এবং এর জন্য অতিরিক্ত ফি ধার্য বা আদায় করা যাবে না।
 - ঘ) এইচএসসি পরীক্ষা-২০১৭ অনুষ্ঠানের সম্ভাব্য তারিখ ০২/০৪/২০১৭ (রবিবার)।
- ০২। পরীক্ষার্থীদের পরীক্ষার প্রয়োজনীয় ফি বাবদ মোট অর্থ সোনালী ব্যাংকের যে কোন শাখা থেকে দিনাজপুর শিক্ষা বোর্ডের সচিবের অনুকূলে ত্রয়কৃত সোনালী সেবার রশিদ শিক্ষা প্রতিষ্ঠানে সংরক্ষণ করতে হবে।
- ০৩। **Online-এ ইলেক্ট্রনিক ফরম ফিলাপ eFF এর কার্যক্রম ও সময়সূচি সংক্রান্ত :**

ক্রমিক	কাজের বিবরণ	তারিখ
(i)	রেজিস্ট্রেশনের মেয়াদ থাকা সাপেক্ষে অনিয়মিত (রিটেইন্ড) পরীক্ষার্থীদের নির্বাচনী পরীক্ষায় তালিকাভুক্তির জন্য সংশ্লিষ্ট কলেজের অধ্যক্ষ বরাবর সাদা কাগজে আবেদনপত্র দাখিলের শেষ তারিখ :	১৪/১২/২০১৬
(ii)	জিপিএ উন্নয়ন এবং এক/দুই বিষয়ের পরীক্ষার্থী হিসেবে অংশগ্রহণে ইচ্ছুক পরীক্ষার্থীদের সংশ্লিষ্ট কলেজের অধ্যক্ষ বরাবর সাদা কাগজে আবেদনের শেষ তারিখ : নোট : যে সকল পরীক্ষার্থী ২০১৬ সালের এইচএসসি পরীক্ষায় জিপিএ ৫.০০ (পাঁচ) এর কম পেয়েছে তারা জিপিএ উন্নয়নের জন্য পরীক্ষায় অংশগ্রহণের সুযোগ পাবে। এ ক্ষেত্রে সংশ্লিষ্ট পরীক্ষার্থীকে সকল বিষয়ে পরীক্ষা দিতে হবে। ২০১৬ সালে আংশিক বিষয়ে পরীক্ষা দিয়ে উত্তীর্ণ পরীক্ষার্থীরা এ সুযোগ পাবে না। উল্লেখ্য যে, জিপিএ উন্নয়ন পরীক্ষার্থী ব্যতীত নির্বাচনী পরীক্ষায় অংশগ্রহণ সকল ছাত্র/ছাত্রীর জন্য বাধ্যতামূলক। তবে যে সকল পরীক্ষার্থী ইতোমধ্যে এইচএসসি পরীক্ষায় অংশ গ্রহণ করে অকৃতকার্য হয়েছে তাদের নির্বাচনী পরীক্ষায় উত্তীর্ণের বিষয়টি বাধ্যতামূলক নয়।	১৪/১২/২০১৬
(iii)	রেজিস্ট্রেশন নবায়নের শেষ তারিখ : নোট : ২০১১-২০১২ শিক্ষাবর্ষের রেজিস্ট্রেশনধারী পরীক্ষার্থীদের মধ্যে যারা ইতোমধ্যে পরীক্ষায় অংশগ্রহণ করে এক বিষয়ে (৪র্থ বিষয় বাদে) অকৃতকার্য হয়েছে এবং ২০১৬ সালের প্রাইভেট পরীক্ষার্থীদের মধ্যে যারা এক বিষয়ে অকৃতকার্য হয়েছে তারা রেজিস্ট্রেশন নবায়ন করে শুধুমাত্র ২০১৭ সালে ঐ এক বিষয়ে (৪র্থ বিষয় বাদে) পরীক্ষায় অংশ গ্রহণ করতে পারবে। রেজিস্ট্রেশন নবায়ন ফি প্রতি পরীক্ষার্থী ২০০/ (দুইশত টাকা)।	২৮/১২/২০১৬
(iv)	নির্বাচনী পরীক্ষা গ্রহণ শেষে ফল প্রকাশের শেষ তারিখ :	১৪/১২/২০১৬
(v)	Online-এ শিক্ষার্থীদের সম্ভাব্য তালিকা (Probable List) দিনাজপুর শিক্ষা বোর্ডের ওয়েবসাইট www.dinajpurboard.gov.bd ও www.dinajpureducationboard.gov.bd -এ প্রদর্শনের তারিখ :	১৩/১২/২০১৬
(vi)	প্রদর্শিত সম্ভাব্য তালিকা হতে Online এ পরীক্ষার্থী নির্বাচনসহ ফরমপূরণের যাবতীয় কার্যক্রম সম্পন্ন ও বিলম্ব ফিস ছাড়া "সোনালী সেবার" মাধ্যমে ফিসের অর্থ জমা দেয়ার তারিখ : উল্লেখ্য, (ক) একই নামের একাধিক ছাত্র/ছাত্রী থাকলে প্রকৃত পরীক্ষার্থী নির্বাচন করার ক্ষেত্রে সর্বোচ্চ সতর্কতার সাথে নির্বাচন করতে হবে, যাতে প্রকৃত পরীক্ষার্থীর পরিবর্তে অন্য কোন শিক্ষার্থীর নাম নির্বাচিত না হয়। অনুরূপ ভুলের জন্য যাবতীয় দায় প্রতিষ্ঠান প্রধানকে বহন করতে হবে। (খ) নির্বাচিত পরীক্ষার্থীদের তালিকা মুদ্রণ করে প্রতিষ্ঠান প্রধান ও পরীক্ষার্থীর স্বাক্ষরসহ তালিকা সংরক্ষণ করতে হবে।	১৪/১২/২০১৬ থেকে ২২/১২/২০১৬
(vii)	প্রতি পরীক্ষার্থী ১০০/- (একশত টাকা) হারে বিলম্ব ফি-সহ Online এ পরীক্ষার্থী নির্বাচন ও ফরমপূরণের যাবতীয় কার্যক্রম সম্পন্ন করে "সোনালী সেবার" মাধ্যমে ফিসের অর্থ জমা দেয়ার তারিখ :	২৬/১২/২০১৬ থেকে ২৯/১২/২০১৬
(viii)	ফিসের যাবতীয় অর্থ জমাদান ও দিনাজপুর শিক্ষা বোর্ডের Website এর e-FF Link Option-এর মাধ্যমে প্রাপ্ত সংশ্লিষ্ট প্রতিষ্ঠানের পরীক্ষার্থীদের সম্ভাব্য তালিকা হতে পরীক্ষার্থী নির্বাচন করার পর সঠিকভাবে যাচাই-বাছাই শেষে Confirm Button-এ ক্লিক করে ফরম পূরণ Confirm করতে হবে। ফরম পূরণ Confirm করা হলে Confirm Button-এর পাশে "Sonali Seba" Button পাওয়া যাবে। তারপর "Sonali Seba" Button-এ ক্লিক করে প্রতিষ্ঠান প্রধানের নাম ও Mobile No. দিয়ে Save Button-এ Click করলে মোট ফি-এর পরিমাণ উল্লেখসহ সোনালী সেবা Payslip তৈরি হবে। উক্ত Payslip প্রিন্ট করে Payslip-এ উল্লিখিত ফি সোনালী ব্যাংকের নিকটতম শাখায় জমা দিয়ে প্রাপ্ত Payslip ভালোভাবে সংরক্ষণ করতে হবে। সোনালী সেবার মাধ্যমে টাকা জমাদানের ২৪ ঘণ্টার মধ্যে Final List প্রিন্ট করা যাবে। মনে রাখতে হবে Final List প্রিন্ট না করা পর্যন্ত কোন পরীক্ষার্থীর ফরমপূরণ সম্পন্ন হবে না। বিধায় Final List প্রিন্ট করা সকল প্রতিষ্ঠানের জন্য বাধ্যতামূলক।	

০৪। সোনালী ব্যাংকের সোনালী সেবার কপি ও পরীক্ষার্থীদের স্বাক্ষরসহ চূড়ান্ত প্রিন্ট আউট শিক্ষা প্রতিষ্ঠানে উত্তমরূপে সংরক্ষণ করতে হবে।

০৫। যে সকল কলেজে ইংরেজি ভাষানে পরীক্ষায় অংশগ্রহণেচ্ছু পরীক্ষার্থী রয়েছে তাদের ০১ কপি তালিকা নিম্নোক্ত ছক অনুযায়ী তৈরি করে এ বিজ্ঞপ্তি প্রাপ্তির ১০(দশ) দিনের মধ্যে উচ্চ মাধ্যমিক পরীক্ষা শাখার সেকশন অফিসার জনাব মন্টু কুমার রায়-এর নিকট হাতে হাতে জমা দিতে হবে। অন্যথায় সংশ্লিষ্ট কলেজের পরীক্ষার্থীদের ইংরেজি ভাষানে পরীক্ষা গ্রহণ করা সম্ভব হবে না।

শাখা	ইংরেজি মাধ্যমে পরীক্ষার্থীর সংখ্যা	বিষয় ও বিষয় কোড ওয়ারি পরীক্ষার্থীর সংখ্যা	মন্তব্য

০৬। এক/দুই বিষয়ের পরীক্ষায় অংশগ্রহণ সংক্রান্ত :

- (ক) যে সকল পরীক্ষার্থী ২০১৪/২০১৫/২০১৬ সালের এইচএসসি পরীক্ষায় এক বা একাধিকবার অংশগ্রহণ করে এক/দুই বিষয়ে (চতুর্থ বিষয় বাদে) অকৃতকার্য/অনুপস্থিত হয়েছে, রেজিস্ট্রেশনের মেয়াদাকালে তারা ২০১৭ সালে অনুষ্ঠিতব্য এইচএসসি পরীক্ষায় অবশিষ্ট অকৃতকার্য/অনুপস্থিত বিষয়/বিষয়সমূহের পরীক্ষায় অংশগ্রহণ করতে পারবে। আংশিক বিষয়ে অংশগ্রহণকারী পরীক্ষার্থীগণ কখনই চতুর্থ বিষয়ের পরীক্ষায় অংশগ্রহণ করতে পারবে না। তবে পরীক্ষার্থীগণ ইচ্ছা করলে এক/দুই বিষয়ের পরীক্ষায় অংশগ্রহণ না করে চতুর্থ বিষয়সহ সকল বিষয়ের পরীক্ষায় অংশগ্রহণ করতে পারবে।
- (খ) ২০১৬ সালের এইচএসসি পরীক্ষায় এক বিষয়ে অকৃতকার্য/অনুপস্থিত প্রাইভেট পরীক্ষার্থীগণ ২০১৭ সালের এক বিষয়ের পরীক্ষায় অংশগ্রহণ করতে পারবে। তবে তাদেরকে অনুচ্ছেদ ৩(iii) মোতাবেক ২৮/১২/২০১৬ তারিখের মধ্যে ২০০/- (দুইশত টাকা) হারে রেজিস্ট্রেশন নবায়ন ফি শুধুমাত্র সোনালী ব্যাংকের যে কোন শাখা হতে ত্রয়কৃত ডিডি মারফত শিক্ষা বোর্ডে জমা দিয়ে উচ্চ মাধ্যমিক পরীক্ষা শাখা থেকে রেজিস্ট্রেশন নবায়ন করতে হবে।
- (গ) যে সকল পরীক্ষার্থী ২০১৩/২০১৪/২০১৫ সালের এইচএসসি পরীক্ষায় এক/দুই বিষয়ে অকৃতকার্য/অনুপস্থিত হয়ে ২০১৪/২০১৫/২০১৬ সালে এইচএসসি পরীক্ষায় ঐ এক/দুইবিষয়ের পরীক্ষায় অংশগ্রহণকালে বহিস্কার অথবা অভিযুক্ত হয়েছে এবং শৃঙ্খলা কমিটির সিদ্ধান্ত মোতাবেক ২০১৪/২০১৫/২০১৬ সালের পরীক্ষা বাতিল হয়েছে, রেজিস্ট্রেশনের মেয়াদ থাকলে তারা ২০১৭ সালের সকল বিষয়ের পরীক্ষায় অংশগ্রহণ করতে পারবে।

০৭। ২০১৭ সালের এইচএসসি পরীক্ষায় ৪র্থ বিষয়ের সুবিধাসংক্রান্ত :

পরীক্ষা পরিচালনা সংক্রান্ত নীতিমালায় উল্লিখিত শিক্ষা মন্ত্রণালয়ের প্রজ্ঞাপন নং-শিম/শা:১০/৭ পরীক্ষা২(গ্রোডিং)/২০০২/৬১০, তারিখ: ০৪/০১/২০০৩ এর ১(এ) এ বর্ণিত নিয়ম মোতাবেক ২০১৭ সালের এইচএসসি পরীক্ষায় অংশগ্রহণকারী পরীক্ষার্থীগণকে ৪র্থ বিষয়ের সুবিধা প্রদান করা হবে।

০৮। রেজিস্ট্রেশন ও সেশন সংক্রান্ত :

- ক) ২০১২-২০১৩ সেশনের পূর্বের রেজিস্ট্রেশনধারী নম্বরপ্রাপ্ত কোন পরীক্ষার্থী ২০১৭ সালের এইচএসসি পরীক্ষায় অংশগ্রহণ করতে পারবে না। তবে ২০১১-২০১২ সেশনের এক বিষয়ে অকৃতকার্য পরীক্ষার্থী রেজিস্ট্রেশন নবায়ন করে এক বিষয়ের (চতুর্থ বিষয় বাদে) পরীক্ষায় অংশগ্রহণ করতে পারবে।
- খ) পরীক্ষার্থীর রেজিস্ট্রেশন নম্বর ও বিষয় সম্পর্কে নিশ্চিত হয়ে যথাযথ ব্যবস্থা গ্রহণের জন্য সকল অধ্যক্ষকে বিশেষভাবে অনুরোধ করা হলো।

০৯। রেজিস্ট্রেশন নবায়ন সংক্রান্ত :

- ক) ২০১৬ সালের এইচএসসি পরীক্ষায় অনিয়মিত এবং প্রাইভেট পরীক্ষার্থীদের মধ্যে যারা দুই বা ততোধিক বিষয়ে (৪র্থ বিষয় বাদে) অকৃতকার্য হয়েছে এবং যাদের রেজিস্ট্রেশনের মেয়াদ শেষ হয়ে গেছে তারা কোন অবস্থাতেই রেজিস্ট্রেশন নবায়ন করে ২০১৭ সালে একাধিক বিষয়ের পরীক্ষায় অংশগ্রহণ করতে পারবে না।
- খ) যে সকল পরীক্ষার্থী ২০১৩, ২০১৪ ও ২০১৫ সালের এইচএসসি পরীক্ষার যে কোন এক বা একাধিক বিষয়ের পরীক্ষায় অংশগ্রহণ করে এক বিষয়ের (চতুর্থ বিষয় বাদে) পরীক্ষায় অকৃতকার্য হয়েছে এবং যে কোন কারণে তারা ২০১৪, ২০১৫ ও ২০১৬ সালের এইচএসসি পরীক্ষায় অংশগ্রহণ করতে পারেনি অথচ তাদের ২০১৬ সালে রেজিস্ট্রেশনের মেয়াদ শেষ হয়ে গেছে তারাও ২০০/- (দুইশত) টাকা নবায়ন ফি বোর্ডে জমা দিয়ে শুধু একবারের জন্য রেজিস্ট্রেশন নবায়নপূর্বক ২০১৭ সালের এইচএসসি পরীক্ষায় অংশগ্রহণ করতে পারবে।
- বি.দ্র.: আংশিক বিষয়ের পরীক্ষার্থী হিসেবে কখনই চতুর্থ বিষয়ের পরীক্ষায় অংশগ্রহণ করা যাবে না এবং দুই বা ততোধিক বিষয়ে অকৃতকার্য থাকলে কখনই রেজিস্ট্রেশন নবায়ন করা যাবে না।

১০। জিপিএ উন্নয়ন হিসেবে পরীক্ষায় অংশগ্রহণ সংক্রান্ত :

- ক) রেজিস্ট্রেশনের মেয়াদ থাকলে জিপিএ উন্নয়নের জন্য পরীক্ষার্থীরা পরীক্ষায় উত্তীর্ণ হওয়ার অব্যবহিত পরের বছরেই এইচএসসি পরীক্ষায় অংশগ্রহণ করতে পারবে; সেহেতু যে সকল পরীক্ষার্থী ২০১৬ সালের এইচএসসি পরীক্ষায় জিপিএ ৫.০০ (পাঁচ) এর কম পেয়েছে তারা জিপিএ উন্নয়নের জন্য পরীক্ষায় অংশগ্রহণের সুযোগ পাবে। তবে এ ক্ষেত্রে সংশ্লিষ্ট পরীক্ষার্থীকে তাদের রেজিস্ট্রেশন কার্ডে উল্লিখিত শিক্ষাবর্ষে প্রচলিত পাঠ্যসূচি অনুযায়ী সকল বিষয়ে পরীক্ষা দিতে হবে। জিপিএ উন্নয়ন না হলে (অর্থাৎ পূর্বে প্রাপ্ত জিপিএ এর চাইতে বেশি জিপিএ না পেলে) সংশ্লিষ্ট পরীক্ষার্থীর জিপিএ উন্নয়ন পরীক্ষার প্রকাশিত ফলাফল গ্রহণযোগ্য হবে না। সেক্ষেত্রে তার পূর্বের ফলাফল বহাল থাকবে। জিপিএ উন্নয়ন না হওয়া পরীক্ষার্থীর একাডেমিক ট্রান্সক্রিপ্ট ও মূল সনদ ইস্যু করা হয় না। বিধায় জিপিএ উন্নয়ন না হওয়া পরীক্ষার্থী জিপিএ উন্নয়ন পরীক্ষার রোল নম্বর উচ্চ শিক্ষার জন্য কোন ভর্তি পরীক্ষায় ব্যবহার করতে পারবে না।
- খ) যে সকল পরীক্ষার্থী এক/দুই বিষয়ের পরীক্ষা দিয়ে ২০১৬ সালের এইচএসসি পরীক্ষায় উত্তীর্ণ হয়েছে তারা কখনই জিপিএ উন্নয়ন পরীক্ষায় অংশগ্রহণ করতে পারবে না।

১১। পরীক্ষায় অংশগ্রহণের সিলেবাস সংক্রান্ত :

বিষয়	সিলেবাসের বিবরণ
বাংলা ১ম পত্র	(ক) বাংলা ১ম পত্রে ২০১৫-২০১৬ শিক্ষাবর্ষ এবং ২০১৭ সালের প্রাইভেট পরীক্ষার্থীদের জন্য ২০১৭ সালের সিলেবাস ও সময় বন্টন অনুযায়ী সৃজনশীল পদ্ধতিতে প্রশ্নপত্র প্রণীত হবে। (খ) বাংলা ১ম পত্রে ২০১৪-২০১৫ শিক্ষাবর্ষ এবং ২০১৬ সালের প্রাইভেট পরীক্ষার্থীদের জন্য ২০১৬ সালের সিলেবাস অনুযায়ী সৃজনশীল পদ্ধতিতে প্রশ্নপত্র প্রণীত হবে। (গ) বাংলা ১ম পত্রে ২০১১-২০১২(নবায়নকৃত), ২০১২-২০১৩ ও ২০১৩-২০১৪ শিক্ষাবর্ষের পরীক্ষার্থী জন্য ২০১৫ সালের সিলেবাস অনুযায়ী সৃজনশীল পদ্ধতিতে প্রশ্নপত্র প্রণীত হবে।
বাংলা ২য় পত্র	(ক) বাংলা ২য় পত্রে ২০১৫-২০১৬, ২০১৪-২০১৫ শিক্ষাবর্ষ এবং ২০১৭,২০১৬ সালের প্রাইভেট পরীক্ষার্থীদের জন্য ২০১৭ সালের সিলেবাস অনুযায়ী প্রশ্নপত্র প্রণীত হবে। (খ) বাংলা ২য় পত্রে ২০১১-২০১২ (নবায়নকৃত), ২০১২-২০১৩ ও ২০১৩-২০১৪ শিক্ষাবর্ষের পরীক্ষার্থীদের জন্য ২০১৫ সালের সিলেবাস অনুযায়ী প্রশ্নপত্র প্রণীত হবে।

১৩। i) অন্যান্য ফি এর হার (যাদের বেলায় প্রযোজ্য) :

- ক) রেজিস্ট্রেশন নবায়ন ফি প্রতি পরীক্ষার্থী ২০০/- (দুইশত টাকা)।
খ) বিলম্ব ফি প্রতি পরীক্ষার্থী ১০০/- (একশত টাকা)।

ii) প্রাইভেট পরীক্ষার্থীদের নির্বাচনী পরীক্ষার ফি :

- ক) যে সব প্রাইভেট পরীক্ষার্থীর নির্বাচনী পরীক্ষা আছে (প্রতি পরীক্ষার্থী) ১৫০/- (একশত পঞ্চাশ টাকা)।
খ) যে সব প্রাইভেট পরীক্ষার্থীর (যেমন: দৃষ্টি প্রতিবন্ধী, সেরিব্রালপালসি জনিত প্রতিবন্ধী এবং যাদের হাত নেই এমন প্রতিবন্ধী, শিক্ষক, পুলিশ, মিলিটারী) নির্বাচনী পরীক্ষা নেই তাদের ব্যবস্থাপনা ফি (প্রতি পরীক্ষার্থী) ১০০/- (একশত টাকা)।

১৪। কেন্দ্র ফি সংক্রান্ত (এইচএসসি পরীক্ষা কেন্দ্রের ভারপ্রাপ্ত কর্মকর্তার নিকট পরিশোধ করতে হবে) :

- ক) এইচএসসি পরীক্ষার কেন্দ্র ফি (যাদের ব্যবহারিক বিষয় নেই) জন প্রতি ৩০০/- (তিনশত টাকা)।
খ) এইচএসসি পরীক্ষার কেন্দ্র ফি (যাদের ব্যবহারিক বিষয় আছে) জন প্রতি ৩০০/- (তিনশত টাকা) + ব্যবহারিক প্রতি পত্রের জন্য ২৫/- (পচিশ) টাকা।
গ) এইচএসসি পরীক্ষার ব্যবহারিক উত্তরপত্র মূল্যায়ন ফি (অভ্যন্তরীণ ও বহিরাগত পরীক্ষকদের জন্য) পত্র প্রতি ২০/- (বিশ) টাকা।

ব্যবহারিক পরীক্ষার উত্তরপত্র মূল্যায়ন ও আনুষ্ঠানিক কর্মসম্পাদনের পরই কেন্দ্রের ভারপ্রাপ্ত কর্মকর্তা ব্যবহারিক উত্তরপত্র মূল্যায়ন ফি বাবদ আদায়কৃত অর্থ হতে অভ্যন্তরীণ পরীক্ষককে উত্তরপত্র প্রতি ১০/- (দশ টাকা) এবং বহিরাগত পরীক্ষককে উত্তরপত্র প্রতি ১০/- (দশ টাকা) হারে সম্মানী/পারিশ্রমিক পরিশোধ করবেন। উল্লেখ্য, এ বিষয়ে শিক্ষা বোর্ড টিএ/ডিএ বা উত্তরপত্র মূল্যায়ন বাবদ কোন প্রকার সম্মানী প্রদান করবে না।

বিঃদ্র: কেন্দ্র ফি বাবদ আদায়কৃত অর্থ দিয়ে সংশ্লিষ্ট কেন্দ্র/কলেজ কর্তৃপক্ষ তত্ত্বীয় এবং ব্যবহারিক, উভয় প্রকার পরীক্ষার যাবতীয় ব্যয় নির্বাহ করবেন। পরীক্ষা কেন্দ্র/কলেজ কর্তৃপক্ষ সকল পরীক্ষা পরিচালনার ব্যয়ের ঘাটতি বিশেষ করে ব্যবহারিক পরীক্ষার জন্য রাসায়নিক দ্রব্যাদিসহ অন্যান্য আনুষ্ঠানিক দ্রব্যাদি ক্রয়ের ব্যয় বহন করবেন, এ ক্ষেত্রে শিক্ষা বোর্ড কর্তৃক কোনরূপ অনুদান প্রদান করা হবে না। শিক্ষা বোর্ড অফিস হতে সাদা উত্তরপত্র এবং পরীক্ষা সংক্রান্ত অন্যান্য সাজ-সরঞ্জাম সংগ্রহ করার জন্য প্রয়োজনীয় খরচ কেন্দ্র ফি হতে বহন করতে হবে। অর্থাৎ পরীক্ষা কেন্দ্রের যাবতীয় ব্যয় কেন্দ্র ফি হতে সংকুলান করতে হবে। যে প্রতিষ্ঠানে যে বিষয়ের ব্যবহারিক পরীক্ষা অনুষ্ঠিত হবে সংশ্লিষ্ট বিষয়ের ব্যবহারিক পরীক্ষার ফি উক্ত প্রতিষ্ঠান প্রাপ্ত হবে। আদায়কৃত কেন্দ্র ফি (ব্যবহারিক ফি ব্যতীত) হতে প্রত্যেক কলেজে ১০% টাকা নিজস্ব ব্যয়ের জন্য রেখে অবশিষ্ট ৯০% টাকা পরীক্ষা কেন্দ্রের/ভেন্যুর ব্যয়ভার নির্বাহের জন্য ভারপ্রাপ্ত কর্মকর্তাকে প্রদান করতে হবে। ভেন্যু কেন্দ্রের পরীক্ষা পরিচালনার সকল প্রকার ব্যয়ভার মূল কেন্দ্রের ভারপ্রাপ্ত কর্মকর্তা বহন করবেন। নিজ কলেজে ব্যবহারিক পরীক্ষা গ্রহণের ক্ষেত্রে, পরীক্ষার্থী ও বিষয়ের সংখ্যা অনুপাতে মূল কেন্দ্রের ভারপ্রাপ্ত কর্মকর্তা উক্ত কলেজকে ব্যবহারিকের নির্ধারিত ফি প্রদান করবেন।

১৫। পরীক্ষার ফি এবং ফরম শিক্ষা বোর্ডে জমা দেয়ার নিয়মাবলি সংক্রান্ত :

- ক) পরীক্ষার যাবতীয় ফি বোর্ডের সচিবের অনুকূলে কেবল সোনালী ব্যাংকের যে কোন শাখা হতে সোনালী সেবার মাধ্যমে জমা দিতে হবে।
খ) কোনক্রমেই নগদ টাকা, পেঅর্ডার, পোস্টাল অর্ডার, মানি অর্ডার, সিকিউরিটি ডিপোজিট রিসিট অথবা ট্রেজারি চালান ইত্যাদিতে শিক্ষা বোর্ডের ফি গ্রহণ করা হবে না।
গ) এই বিজ্ঞপ্তিতে বর্ণিত তারিখের পর কোনক্রমেই পরীক্ষার ফি'র সোনালী সেবা ও অন্যান্য কাগজপত্র গ্রহণ করা হবে না।

১৬। ছাড়পত্রধারী (TC) পরীক্ষার্থীর ফরম পূরণ সংক্রান্ত :

TC (ছাড়পত্রধারী) পরীক্ষার্থীদের ফরম পূরণ Online (e-FF)-এর মাধ্যমে সম্পন্ন করা যাবে না। এক্ষেত্রে TC (ছাড়পত্রধারী) পরীক্ষার্থী/পরীক্ষার্থীদের ফরম পূরণের জন্য প্রতিষ্ঠান প্রধান পরীক্ষা নিয়ন্ত্রক বরাবর আবেদন করবেন। আবেদনের সাথে বৈধ ছাড়পত্রের কপি, রেজিস্ট্রেশন কার্ডের ফটোকপি এবং প্রতিষ্ঠানের দেয়া TC'র ফটোকপি সত্যায়িত করে সংযুক্ত করতে হবে। TC (ছাড়পত্রধারী) পরীক্ষার্থী/পরীক্ষার্থীদের ফরম পূরণ ফি সচিব, দিনাজপুর শিক্ষা বোর্ড-এর অনুকূলে শুধুমাত্র সোনালী ব্যাংক থেকে পৃথকভাবে ক্রয়কৃত ডিডি-এর মাধ্যমে প্রদান করতে হবে। ছাড়পত্রধারী পরীক্ষার্থীদের ফরমপূরণের ডিডি শিক্ষা বোর্ডের ব্যাংক বুথে ব্যাংক রশিদে জমা করে প্রাপ্ত রশিদের কপি আবেদনসহ অন্যান্য কাগজপত্রের সাথে সংযুক্ত করে উপ-পরীক্ষা নিয়ন্ত্রক জনাব মোঃ হারুন-অর-রশিদ মন্ডল-এর নিকট আগামী ০৬/০১/২০১৭ তারিখের মধ্যে জমা দিয়ে সংশ্লিষ্ট সকল কলেজকে প্রাপ্ত স্বীকার গ্রহণ নিশ্চিত করতে হবে। প্রাপ্ত আবেদনের প্রেক্ষিতে ছাড়পত্রধারী পরীক্ষার্থীদের তথ্য যাচাই-বাহাই শেষে শিক্ষা বোর্ড তাদের ফরম পূরণ কার্যক্রম সম্পন্ন করবে।

১৭। স্ক্রাইব (শ্রুতি লেখক) নিয়োগ :

শিক্ষা বোর্ডের অনুমতিক্রমে কোন অন্ধ প্রতিবন্ধী এবং যাদের হাত নেই এমন প্রতিবন্ধী পরীক্ষার্থী স্ক্রাইব (শ্রুতি লেখক) নিয়ে পরীক্ষায় অংশগ্রহণ করতে পারবে। এক্ষেত্রে পার্শ্ববর্তী স্বীকৃতিপ্রাপ্ত প্রতিষ্ঠানের ১০ম শ্রেণীর শিক্ষার্থীদের মধ্য থেকে স্ক্রাইব (শ্রুতি লেখক) নির্বাচন করতে হবে। নির্বাচিত শিক্ষার্থীর স্ক্রাইব (শ্রুতি লেখক) এর পূর্ণ বিবরণ ও অভিভাবকের সম্মতিসহ আবেদনকারীর ০২ (দুই) কপি ও শ্রুতি লেখকের ২ (দুই)কপি সত্যায়িত ছবি এবং মোবাইল নম্বর সম্বলিত দরখাস্ত সংশ্লিষ্ট প্রতিষ্ঠান প্রধানের মাধ্যমে পরীক্ষা নিয়ন্ত্রকের অনুমতির জন্য সংশ্লিষ্ট পরীক্ষার প্রবেশপত্র পাওয়ার পর মূল প্রবেশপত্রসহ পরীক্ষা শুরু ০৪/০৫ দিন পূর্বে পরীক্ষা নিয়ন্ত্রক বরাবর আবেদন করতে হবে। শ্রুতি লেখকের জন্য আবেদন করলে আবেদনের সাথে সিভিল সার্জন ও সমাজ সেবা অধিদপ্তরের সার্টিফিকেট-এর ফটোকপি সত্যায়িত করে জমা দিতে হবে। এ ধরনের পরীক্ষার্থীদের অতিরিক্ত ২০ (কুড়ি) মিনিট সময় বৃদ্ধি করা যাবে। এ ধরনের পরীক্ষার্থী যে কেন্দ্রে পরীক্ষায় অংশগ্রহণ করবে সেই কেন্দ্রের ভারপ্রাপ্ত কর্মকর্তা সংশ্লিষ্ট পরীক্ষার্থীর জন্য প্রয়োজনীয় ব্যবস্থা গ্রহণ করবেন।

১৮। শিক্ষা মন্ত্রণালয়ের পত্র স্মারক নং- ৩৭.০০.০০০০.০৭২.৪৩.০৩৬.১৪.৪৯৫, তারিখ- ২৯/০৯/২০১৫ এর নির্দেশনা অনুযায়ী প্রতিবন্ধী (অটিস্টিক, ডাউন সিনড্রোম, সেরিব্রালপালসি) শিক্ষার্থীদের পরীক্ষায় অংশগ্রহণের সুবিধার জন্য শিক্ষক/অভিভাবক/সাহায্যকারীর প্রয়োজন হয় বিধায় তাদের বিশেষ ব্যবস্থাপনায় পরীক্ষা প্রদানের সুযোগ দিতে হবে। এ ধরনের পরীক্ষার্থীদের সাধারণ পরীক্ষার্থীদের তুলনায় ৩০ (ত্রিশ) মিনিট অতিরিক্ত সময় প্রদান করতে হবে। যে কেন্দ্রে এ ধরনের পরীক্ষার্থী পরীক্ষায় অংশগ্রহণ করবে সেই কেন্দ্রের ভারপ্রাপ্ত কর্মকর্তা সংশ্লিষ্ট পরীক্ষার্থীর জন্য প্রয়োজনীয় ব্যবস্থা গ্রহণ করবেন। এ ধরনের শিক্ষার্থীদের অভিভাবককে উল্লিখিত সুবিধা গ্রহণের জন্য পরীক্ষার্থীর প্রবেশপত্র পাওয়ার পর মূল প্রবেশপত্রসহ পরীক্ষা শুরু ০৪/০৫ দিন পূর্বে পরীক্ষা নিয়ন্ত্রক বরাবর আবেদন করতে হবে। আবেদনের সাথে সিভিল সার্জন/বিশেষজ্ঞ চিকিৎসক কর্তৃক প্রদত্ত অটিজম/ডাউন সিনড্রোম/সেরিব্রালপালসি সনাক্তকরণ সনদ, পরীক্ষার্থী ও সাহায্যকারীর পাসপোর্ট সাইজের ০২ (দুই) কপি করে সত্যায়িত ছবি জমা দিতে হবে।

১৯। ২০১৭ সালের উচ্চ মাধ্যমিক সার্টিফিকেট পরীক্ষার ফল প্রকাশ পদ্ধতি সংক্রান্ত :

সকল প্রকার পরীক্ষার্থীর ফল নিম্নোক্ত পদ্ধতিতে প্রকাশ করা হবে।

লেটার গ্রেড	প্রাপ্ত নম্বরের শ্রেণি ব্যাপ্তি	গ্রেড পয়েন্ট
A+	80 - 100	5.00
A	70 - 79	4.00
A-	60 - 69	3.50
B	50 - 59	3.00
C	40 - 49	2.00
D	33 - 39	1.00
F	00 - 32	0.00

২০। অন্যান্য বিষয় সংক্রান্ত :

- ক) অবৈধ রেজিস্ট্রেশন, বোর্ডের অনুমতি ছাড়া অবৈধভাবে কলেজ বদলি ও অভিজুক্ত হবার কারণে কোন ছাত্র/ছাত্রী পরীক্ষার্থী হলে, সেপরীক্ষায় অংশগ্রহণ করতে পারবে না। এ ছাড়াও অন্য যে কোন ধরনের অবৈধ শিক্ষার্থীকে পরীক্ষায় অবতীর্ণ হবার অনুমতি দিলে সংশ্লিষ্ট অধ্যক্ষ দায়ী থাকবেন।
- খ) এ বিজ্ঞপ্তিতে উল্লিখিত ২০১৭ সালের এইচএসসি পরীক্ষা সংক্রান্ত নিয়মাবলি সঠিকভাবে অনুসরণ করে প্রয়োজনীয় কার্যক্রম গ্রহণ করার জন্য সকল কলেজের অধ্যক্ষ এবং সংশ্লিষ্ট সকলকে বিশেষভাবে অনুরোধ করা হলো।

স্বাক্ষরিত/-

মোঃ তোফাজ্জুর রহমান

পরীক্ষা নিয়ন্ত্রক

মাধ্যমিক ও উচ্চ মাধ্যমিক শিক্ষা বোর্ড

দিনাজপুর

টেলিফোন নম্বর : ০৫৩১-৫১৮৮১ (অফিস)

স্মারক নং : মাউশিবোর্ডি/পনি/পরী/এইচএসসি/২০১৬/১৮৩৭(১০০০)

তারিখ : ০৮/১২/২০১৬ খ্রিঃ

অনুলিপি : সদয় অবগতি ও প্রয়োজনীয় ব্যবস্থা গ্রহণের জন্য প্রেরিত হলো (জ্যেষ্ঠতার ক্রমানুসারে নয়) :-

- ০১। মাননীয় সচিব, শিক্ষা মন্ত্রণালয়, গণপ্রজাতন্ত্রী বাংলাদেশ সরকার, বাংলাদেশ সচিবালয়, ঢাকা।
- ০২। মহাপরিচালক, মাধ্যমিক ও উচ্চ শিক্ষা অধিদপ্তর, শিক্ষা ভবন, ঢাকা।
- ০৩। বিভাগীয় কমিশনার, রংপুর বিভাগ, রংপুর।
- ০৪। ডিআইজি অব পুলিশ, রংপুর বিভাগ, রংপুর।
- ০৫। জেলা প্রশাসক, রংপুর/গাইবান্ধা/নীলফামারী/কুড়িগ্রাম/লালমনিরহাট/দিনাজপুর/ঠাকুরগাঁও/পঞ্চগড়।
- ০৬। পুলিশ সুপার, রংপুর/গাইবান্ধা/নীলফামারী/কুড়িগ্রাম/লালমনিরহাট/দিনাজপুর/ঠাকুরগাঁও/পঞ্চগড়।
- ০৭। অত্র শিক্ষা বোর্ডের সকল কর্মকর্তা।
- ০৮। পরীক্ষা নিয়ন্ত্রক, মাধ্যমিক ও উচ্চ মাধ্যমিক শিক্ষা বোর্ড, ঢাকা/যশোর/কুমিল্লা/চট্টগ্রাম/সিলেট/বরিশাল/রাজশাহী/মাদ্রাসা শিক্ষা বোর্ড/ কারিগরি শিক্ষা বোর্ড।
- ০৯। অধ্যক্ষ, অত্র শিক্ষা বোর্ডের আওতাধীন মঞ্জুরী প্রাপ্ত সকল মহাবিদ্যালয়।
- ১০। উপজেলা নির্বাহী অফিসার, অত্র শিক্ষা বোর্ডের আওতাধীন সকল উপজেলা।
- ১১। উপ-পরিচালক, মাধ্যমিক ও উচ্চ শিক্ষা, রংপুর অঞ্চল, রংপুর।
- ১২। ব্যবস্থাপক, সোনালী ব্যাংক, অত্র শিক্ষা বোর্ডের আওতাধীন সকল জেলার সকল শাখা।
- ১৩। সিনিয়র সিস্টেম এনালিস্ট, কম্পিউটার সেল, মাধ্যমিক ও উচ্চ মাধ্যমিক শিক্ষা বোর্ড, রাজশাহী।
- ১৪। চেয়ারম্যান মহোদয়ের একান্ত সচিব, অত্র শিক্ষা বোর্ড।
- ১৫। Website কপি।
- ১৬। অফিস নথি।

স্বাক্ষরিত/-

মোঃ হারুন-অর-রশীদ মন্ডল

উপ-পরীক্ষা নিয়ন্ত্রক

মাধ্যমিক ও উচ্চ মাধ্যমিক শিক্ষা বোর্ড

দিনাজপুর

টেলিফোন : ০৫৩১- ৫১৯৭৩ (অফিস)

মোবাইল নং- ০১৭১৬-৫৩০১৫৭